

通鑑金史料別裁

第十七册

通鑑綱目引文正文

卷一—卷二六

首都图书馆編輯
学苑出版社出版

通鑑史料別裁

第十七册

通鑑綱目引義正義

卷一—卷二六

首都圖書館編輯
學苑出版社出版

(清) 王恂 撰

通鑑綱目引義正義

一卷
二六卷

通鑑綱目 別誼



1964
1964

光緒壬辰年
嘉平月開雕



都察院左都御史箱黃旗蒙古都統臣貴

都察院左都御史管理戶部三庫事務臣祁世長

都察院左副都御史宗室臣奕杖

都察院左副都御史宗室臣奕年

都察院左副都御史稽察左翼宗學臣徐致祥

都察院左副都御史稽察右翼宗學臣沈源深

奏為奏

聞請

通鑑綱目引義

旨事竊臣等據湖南候補知府前任永綬直隸廳同知王

恂呈稱籍隸江蘇太倉州世荷

朝廷厚恩仰承先澤幼習詩書咸豐年間由廩貢生効

力軍營遞保同知分發湖南同治十三年經前升任

湖南巡撫王文韶題奉

聖旨補授永綬直隸廳同知欽此光緒三年苗疆肅清奉

上諭王恂著以知府在任候補欽此八年因在營時感受

寒溼陡患風疾經湖南巡撫題准開缺回籍後感念

國恩末由報稱因思經史皆闕世道矇瞶猶進風詩爰將通鑑綱目推闡餘蘊編成書五十二卷內分正編三十六卷續編十卷三編六卷裝成四函敬仿廣義之例擬其名曰通鑑綱目引義在昔唐臣張九齡嘗輯漢晉各史於明皇聖誕日上之謂之千秋金鑑錄竊幸本年恭逢

皇上二旬

萬壽敬將是書繕就來京非敢比於賢相陳書竊自附於

通鑑綱目引義

三

野人獻曝呈請代奏等語臣等查該員所呈通鑑綱目引義一書係為裨益治道起見並無違悖字樣不敢壅於

上聞謹將原書四函並鈔錄原呈恭呈

御覽伏乞

聖鑒謹

奏

光緒十六年十二月十五日軍機大臣面奉

諭旨都察院代奏湖南候補知府王恂呈進通鑑綱目引義一書著交南書房翰林閣看翁同龢孫家鼐著一併閱看欽此

通鑑綱目引義

三

經筵講官 毓慶宮行走戶部尚書 臣翁同龢

經筵講官 毓慶宮行走都察院右都御史 臣孫家鼐

經筵講官 南書房行走禮部左侍郎 臣徐 卨
紫禁城騎馬

南書房行走內閣學士兼禮部侍郎銜 臣李文田

南書房行走日講起居注官翰林院侍讀 臣陸潤庠

南書房行走 國子監司業 臣吳樹梅

奏本月十五日准軍機處咨奉

發下湖南候補知府王恂進

通鑑綱目引義

四

呈通鑑綱目引義一書 臣等遵

旨公同閱看看得是書做通鑑綱目廣義之例節錄史文

於前附以按語大略以法戒為先其持論雖未精粹

然明白簡易於古今治忽闡發頗具苦心洵屬有裨

史學謹

奏奉

旨畱覽欽此

通鑑綱目引義緣起

臣恂謹撰

臣恂言臣惟孔子因魯史作春秋立千古史書之極
則迨後宋臣朱熹編輯歷代史記筆削一本春秋名
曰通鑑綱目凡以正人心扶世教而即以明天人感
應之理宇宙治亂之原其有神於帝王御世之道至
無量也既而明代大學士商輅等奉詔編宋元二史
名曰續綱目及我

通鑑綱目引義

緣起

五

高宗純皇帝復命館閣諸臣編輯明史名曰明紀綱目悉經

御筆裁定於是大經大法釐然畢具綱目一書與麟經並

垂萬世矣其間如明代儒臣劉友益等所著書法發

明廣義與夫周禮等所著續發明續廣義各編皆足

以闡發綱目義蘊臣受而讀之竊願學焉用是不揣

冒昧謹卽綱目褒貶之意與所記古人言論事實反

覆推究期於千慮一得因節錄史文於上而附記管

見於下有與諸說同者亦有與諸說異者不敢立異

亦不敢苟同總期無負於古人而已因仿廣義之例
敬擬其名曰通鑑綱目引義取大易引而申之之義
也夫以臣之譴陋而上窺前賢制作豈不謬哉然區
區一知半解有不敢自秘者蓋欲挹輕塵於泰山納
涓滴於滄海將自效其愚忱也昔唐臣張九齡嘗集
漢晉各史於明皇聖誕日上之名曰千秋金鑑錄臣
幸本年恭

逢我

通鑑綱目引義

緣起

六

皇上二句

聖壽敬將是編繕寫完竣恭

呈

聖覽非敢比於賢相陳書實自擬於野人獻曝謹拜手稽

首以

進

通鑑綱目引義條目

臣恂謹撰

一司馬氏作通鑑始於周威烈王二十三年命三晉
大夫爲諸侯於以見禮制之大閑不可一日廢也
朱氏則之編年紀月以作綱目明天道正人紀所
以爲千百世君若臣戒者至深切也及明代仁山
金氏斷自堯以來以尙書爲據作綱目前編子檉
陳氏又取三皇本紀及劉道原外紀自盤古迄高

通鑑綱目引義

條目

七

辛氏作爲通鑑外紀渭上陳氏則謂庖犧氏爲文
字鼻祖乃由伏羲至周威烈王二十三年以前仍
作爲前編以冠通鑑綱目之上臣恂竊以爲聖人
作春秋絕筆於獲麟之歲蓋周敬王三十九年也
後司馬氏編通鑑不始於周敬王之四十年而始
於威烈王之二十三年及朱氏作綱目仍宗之而
不敢易者蓋不敢居春秋之先并不敢繼春秋之
後用意至慎也且上古草昧初開春秋以前事多

傳疑不足以明褒貶故不復追溯非略也至前編中他不具論即如於孔子卒而加大聖二字尊所不待尊且以後代儒生而加先聖尊號於義實爲未當故臣今謬輯引義不敢復及前編云

一 臣今輯綱目引義計正編三十六卷續編十卷三編六卷計共五十二卷敬本朱氏意總以正統爲主其無統之世如楚漢晉吳時及繼統而不足以紹正統者如漢兩少帝時淮陽王時及篡竊之世

通鑑綱目引義 條目

如王莽時皆作爲下卷附各卷之後

一 綱目採取通鑑及歷代史記以加筆削綱則嚴於一字而目中敘事不厭詳盡臣今輯是編但取義可引申者引申之是以節錄綱目於上以明事由不敢全錄者避繁重也

一 綱目因歷代史以成書編年紀月上繼春秋臣今所記僅十之一二故不復記年月但於歷代一統之年大書年月以別之其有事義關於時日者則

記其日月

一 朱氏作綱目已在晚年嘗自謂尙有脫漏處尙有未及更正處臣竊考其義例如有可疑者謹姑備一說於下俟有識者論定焉

一 朱子註學庸遇宋國諱本文則照原書以尊聖於小註則以他字代以尊君後人遂援以爲例不知學庸乃聖人傳道之書固當以尊聖爲主若春秋後之史冊則皆歷代史臣所紀於我

通鑑綱目引義 條目

朝

皇上皆有君臣之義設在今日亦當爲我

朝諱臣故引綱目正文遇國諱悉用代字以昭敬

恭

九

通鑑綱目引義目錄

臣王恂謹撰

卷之一

周 威烈王二十三年起 安王 烈王 顯王 慎靚王

赧王 附七國

卷之二

秦 始皇二十六年起 二世 附楚

卷之三

通鑑綱目引義 卷一 目錄

漢 高祖 惠帝 附兩少帝

卷之四

漢 文帝 景帝

卷之五

漢 武帝 昭帝

卷之六

漢 宣帝 元帝 成帝

卷之七

漢 哀帝 平帝 附新莽 淮陽王

卷之八

漢 世祖 明帝 章帝

卷之九

漢 和帝 殤帝 安帝 順帝 冲帝 質帝

卷之十

漢 桓帝 靈帝

卷之十一

通鑑綱目引義 卷十 目錄

漢 獻帝

卷之十二

蜀漢 昭烈帝 後帝 附晉 吳

卷之十三

晉 武帝 惠帝 懷帝 愍帝

卷之十四

東晉 元帝 明帝 成帝 康帝

卷之十五

東晉 穆帝 帝奕

卷之十六

東晉 簡文帝 孝武帝

卷之十七

東晉 安帝 恭帝

卷之十八

南北朝 宋 魏

卷之十九

通鑑綱目引義 卷之目錄

南北朝 宋 魏

卷之二十

南北朝 齊 魏

卷之二十一

南北朝 梁 魏

卷之二十二

南北朝 梁 後梁 魏 東魏 齊

卷之二十三

三

南北朝 陳 齊 周 隋

卷之二十四

隋 文帝

卷之二十五

隋 煬帝 附 隋 唐

卷之二十六

唐 高祖 太宗

卷之二十七

通鑑綱目引義 卷之目錄

唐 高宗 中宗 睿帝

卷之二十八

唐 元宗

卷之二十九

唐 肅宗 代宗

卷之三十

唐 德宗 順宗

卷之三十一

四

唐 憲宗

卷之三十二

唐 穆宗 敬宗 文宗 武宗 宣宗

卷之三十三

唐 懿宗 僖宗

卷之三十四

唐 昭宗 昭宣帝

卷之三十五

通鑑綱目引義 卷六目錄

五季 梁 唐 晉 漢

卷之三十六

周 附 遼史

通鑑綱目引義卷之一

臣王恂謹撰

周

威烈王

二十三年初命晉大夫魏斯趙籍韓虔為諸侯

謹按周室東遷王靈漸替然春秋時大國猶假王命以令小國小國猶託王言以拒大國其有篡弒自立者猶恐不得朝覲無以鎮撫其民禮教之所以制人心也三晉強而暴蔑其君天子不能討又寵秩之是區區之名分復不能守禮教由此蕩盡宋臣司馬光編輯通鑑始於此者歎周之衰至此

通鑑綱目引義 卷七

而極所以為後王戒者至深且切矣雖然當戰國時周又安能拒田氏之請而斥三晉哉是以聖主躬際昇平尤必朝乾夕惕以求國富兵強俾四海共凜天威者職是故也

盜殺韓相俠累

俠累與濮陽嚴仲子有惡仲子聞軹人聶政之勇以黃金百鎰為政母壽欲因以報讐政不受曰老母在政身未敢以許人也及母卒仲子乃使政刺俠累俠累方坐府上兵衛甚眾聶政直入刺之因自皮面決眼自屠出腸韓人暴其尸於市購問莫

能識其姊嬖聞而往哭之曰是軼深井里聶政也以妾在之故重自刑以絕從妾奈何畏沒身之誅

終滅賢弟之名遂死政尸之旁

謹按聶政書盜賤之也特勇而擅殺人寇盜之行也故賤之

謹又按聶政激於一時意氣為嚴仲子報讐雖死不悔較當時之朝秦暮楚惟利是圖者誠有間矣然仲子之惡俠果私讐也聶政為之報私讐而殺其身非義也棄父母遺體絕祖宗嗣續非孝也雖俟母死而後行不可謂當死而死司馬遷為之立傳若以豪傑目之後人亦遂以此輩為豪傑而爭慕效之此天下之所以多故也綱目書曰盜所以輔世教者深矣

通鑑綱目引義

卷十

二

安王

齊田和遷其君貸於海上食一城

和田恆之曾孫也

謹按田和不書官斥其惡也以臣子而劫遷其君惡至矣烏得不斥謹又按齊自太公開國傳至景公與晉壘主盟會何其強也乃國卒為陳氏所得晏嬰曰後世若稍怠齊其為陳氏矣蓋已決之於數十年前之前豈無故哉國弱則為隣敵所攻國強則為權臣所竊去今來盛極必衰若合符節守成令辟可不懼哉可不慎哉

楚君類卒楚人殺吳起

悼王薨賁戚大臣作亂攻吳起殺之因射刺起并中王尸太子臧即位討為亂者夷七十餘家

謹按書楚人言眾也書殺言眾人殊私憾殺之非死於國法也夫以起之省官惜財以養兵非為身也為國也而賁戚大臣已怨之入骨必殺之而後快嗚呼庸碌者不能為國任事一二有才者為國任事每招怨尤不得善其終所由實心報國者絕無僅有也

烈王

齊侯封卽墨大夫烹阿大夫

齊威王召卽墨大夫語之曰自子之居卽墨也毀

通鑑綱目引義

卷十

三

言日至吾使人視卽墨田野辟人民給官然無事東方以甯是子不事吾左右以求助也封之萬家召阿大夫語之曰自子守阿警言日至吾使人視阿田野不辟人民貧餒趨攻鄆子不救衛取薛陵子不知是子厚幣事吾左右以求譽也是日烹阿大夫及左右嘗譽者

謹按帝王考察臣工要不外詢事考言以他人之言為棄取終不免為人所蔽齊威知左右不可信明也然使人至卽墨至阿觀其田野人民以為憑以之行賞罰齊威固自謂明察矣獨不思所使之

人果至公無私者乎其言又一無假託者乎未可必也則亦慮其一不慮其二矣

顯王

秦伯卒秦人誅衛鞅滅其家

孝公薨太子立是為惠文王公子虔之徒告商君欲反發吏捕之商君出亡欲止客舍舍人曰商君之法舍人無驗者坐之商君歎曰為法之弊一至此哉去之魏魏人不受內之秦秦人攻殺之車裂以徇盡滅其家初商君用法嚴酷步過六尺者有

通鑑綱目引義

卷十

四

罰棄灰於道者被刑嘗臨渭論囚渭水盡赤為相

十年人多怨之

謹按魏人殺吳起而書殺秦人殺衛鞅而書誅事同而書異者起為國招怨鞅則借國法以張已威心有公私之異也綱目誅意所以分別書之也謹又按衛鞅變法使民勤奮本業未嘗不利民而民卒怨之殺其身而並滅其家者何哉鞅變法以邀主眷專求己之安富尊貴而不顧人之流離死亡也古今來得君得政而終以一身受大禍者皆鞅之流亞也論人者但謂鞅以嚴厲獲咎猶淺也

燕趙韓魏齊楚合從以擯秦以蘇秦為從約長并相

六國

於是蘇秦為從約長并相六國北報趙車騎輜重擬於王者

謹按六國果能合力擯秦非不足以久存然而人心不同如其面蘇秦安能合六國之君若臣而一其心哉宜從約之久而解也雖然蘇秦尚能扶弱制強後世安得有如秦者哉

齊號薛公田文為孟嘗君

初齊王封田嬰於薛號曰靖郭君嬰有子四十餘人其賤妾之子曰文侷儻饒智略說靖郭君以散

通鑑綱目引義

卷十

五

財養士靖郭君使文主家待賓客賓客爭譽其美請以文為嗣嬰卒文嗣立號孟嘗君招致諸侯游士及有罪亡人食客常數千人名重天下

謹按自齊孟嘗君好養士兼收天下亡命後世遂以畜養迷人與有罪者而與官司抗以為豪傑士每因此以釀禍亂司馬光斥孟嘗將以正風俗也然畜養亡命罪人則不可若公卿世族招納貧寒尊禮賢俊亦何不可此又當分別論之

慎靚王

秦伐蜀取之

巴蜀相攻俱告急於秦秦惠王欲伐蜀韓又來侵司馬錯請伐蜀張儀曰不如伐韓王曰請聞其說儀曰親魏善楚下兵三川攻新城宜陽以臨二周之郊據九鼎按圖籍挾天子以令天下天下莫敢不聽此王業也臣聞爭名者於朝爭利者於市今三川周室天下之朝市也而王不爭焉願爭於戎翟去王業遠矣錯曰不然臣聞之欲富國者務廣其地欲彊兵者務富其民欲王者務博其德三資者備而王隨之矣今王地小民貧故臣願先從事於易夫蜀西僻之國而戎翟之長也有桀紂之亂以秦攻之譬如使豺狼逐羣羊得其地足以廣國取其財足以富民繕兵不傷眾而彼已服焉拔一國而天下不以爲暴利盡西海而天下不以爲貪而又有禁暴止亂之名是我一舉而名實附也今攻韓劫天子惡名也而攻天下之所不欲又未必利也不如伐蜀惠王從之起兵伐蜀十月取之

通鑑綱目引義 卷十 六

謹按蜀地富饒生產甲於九州其民強勁質樸得其地國必易富得其人兵必易強故戰國初秦與六國等其後遂併六國者固由商鞅立法之嚴百姓勇於公鬪亦由司馬錯建議先取蜀以爲富國強兵之本

報王

楚屈匄伐秦

秦欲伐齊患其與楚從親乃使張儀說楚王曰大王誠能閉關絕約於齊臣請獻商於之地六百里使秦女得爲大王箕帚之妾楚王悅而許之乃厚賜張儀而閉關絕約於齊使一將軍隨張儀至秦儀詐墮車不朝三月楚王聞之曰儀以寡人絕齊未甚耶乃使勇士宋遺借宋之符北罵齊王齊王大怒折節而事秦齊秦之交合儀乃朝見楚使者曰子何不受地自某至某廣袤六里使者還報楚王大怒欲發兵攻秦陳軫曰軫可發口言乎攻之不如賂以一名都與之并兵而攻齊是我亡地於秦而取償於齊也今已絕齊而又責欺於秦是我

通鑑綱目引義 卷十 七

合齊秦之交而來天下之兵也國必大傷矣王不聽使屈句帥師伐秦

謹按楚懷輕信張儀之言欲不勞而得地卒之地不可得反敗兵端由是喪師失地以底於亡發明謂利之不可狗也顧利必有所由致如農勤耕商勤負販皆以勞苦而致故造物于之且久于之以償其勞也至儻來之物一取而即為後患者傳所謂蘊利生孽也自天子以至庶人一而已特擾擾者皆不悟耳

趙始胡服招騎射

趙武靈王北略中山之地至房子遂之代北至無

通鑑綱目引義 卷十

窮西至河登黃華之上與肥義謀胡服騎射以教百姓曰愚者所笑賢者察焉雖驅世以笑我胡地中山吾必有之遂胡服國人皆不欲公子成稱疾不朝王使人請之公子成再拜稽首曰中國者聖賢之所教禮樂之所用遠方之所觀赴蠻夷之所則效也今王舍此而襲遠方之服變古道逆人心臣願王熟圖之也使者以報王自往請之曰吾國東有齊中山北有燕東胡西有樓煩秦韓之邊無

騎射之備則何以守之哉先時中山負齊之疆侵暴吾地引水圍鄗微社稷之神靈則鄗幾於不守也先君醜之故寡人變服騎射欲以備四境之難報中山之怨而叔順中國之俗惡變服之名以忘鄙事之醜非寡人之所望也公子成聽命乃賜胡服以朝而始出令焉

通鑑綱目引義 卷十

九

世祖章皇帝亦以便騎射故所謂有文治不廢武備大聖人之垂慮至深遠也國初士大夫每以為疑屢上章言之而不知春秋之義禮樂政刑進於中國則中國矣不在區區衣飾間也謹又按趙武靈積怨中山必欲有以報之不憚易服以便騎射而卒能破滅中山由其注意於騎射者至深且切也臣以為徒泥乎用夏變夷之說而聽鯁焉以改易中國制度為非此亦迂論聖道亦與時為變通時事遷流所至有不能不舍己從人者為之者實出於不得已也然必有益軍國而行之則可若夫夷俗之所以記數夷裔之所以射利者而亦奔走恐後尤而效之徒耗國帑果何為哉

東三城以和三國乃退

齊韓魏伐秦敗其軍於函谷關河涓絕一日秦割河

孟嘗君怨秦與韓魏攻之入函谷關秦昭王使公
子池以三城講于三國

謹按蘇秦合六國之兵以拒秦不能敵秦一旅及
田文以私怨欲報秦連韓魏二國以伐秦遂入函
谷關秦至不敢敵而割地以和公私異念故勇怯
異勢也然則謂六國之兵必不能與秦較勝負也
豈其
然哉

趙封樂毅爲望諸君

趙王欲與樂毅謀伐燕毅泣曰臣疇昔之事昭王
猶今日之事大王也若復得罪在他國終身不敢

通鑑綱目引義 卷十

謀趙之奴隸况子孫乎趙王乃止而封毅於觀津
號望諸君尊寵之

謹按孟子謂君之待臣也諫行言聽有故而去又
留其田里以俟其歸思過若此乃爲舊君服此對
爲君者而言若以爲臣論則一食其祿卽當終身
感其德卽君不可事而去亦必追念舊恩休戚未
嘗一日不相關也安忍反戈相向哉樂毅之言可
質鬼神亦足以被後世之爲人臣而忘恩負義者

秦伐趙圍閼與趙奢擊卻之

秦圍閼與王召羣臣問之廉頗樂乘皆曰道遠險
阨難救奢曰道遠險阨如兩鼠鬪於穴中將勇者

勝王乃令奢將兵救之去邯鄲三十里而止令軍

中曰有以軍事諫者死秦師軍武安西鼓譟勒兵

武安屋瓦盡震有言急救武安者奢立斬之堅壁

二十八日不行復益增壘秦聞入趙軍奢善食而

遣之閒還報秦將大喜奢既遣閒卷甲而趨一日

一夜距關與五十里而軍軍壘成秦師聞之悉甲

而往趙軍士許歷請諫奢進之歷曰秦不意趙至

此其來氣盛將軍必厚集其陳以待之不然必敗

通鑑綱目引義 卷十

奢曰請受教歷請刑不許歷復請曰先據北山者

勝奢卽發萬人趨之秦師後至爭山不得上奢縱

兵擊之秦師大敗解關與而還

謹按復諫不可以爲將願輕信人言遊移不決因
而貽誤軍機者亦復不少趙奢先斬妄諫者卒用
許歷之言而大敗秦師可謂善納

諫然非精於察言者不可效也

魏以孔斌爲相尋以病免

初魏王聞子順賢聘以爲相子順謂使者曰若王

能信用吾道吾道固爲治世也雖疏食飲水吾猶

爲之若徒欲制服吾身委以重祿吾猶一夫耳魏
王奚少於一夫使者固請子順乃之魏改嬖寵之
官以事賢才奪無任之祿以賜有功諸喪職秩者
咸不悅陳大計又不用乃以病致仕人謂之曰子
其行乎答曰行將安之山東之國將并於秦秦爲
不義義所不入遂寢於家喟然歎曰死病無良醫
不出二十年天下其盡爲秦乎

謹按孔斌惡秦不義而不入其國又早知六國之
將併於秦而不能行其道以自強因寢於家魏雖

通鑑綱目引義

卷十

主

崇以相位而志不移以道之顯晦定身之
進退此則可謂真高士不愧爲聖人之後

秦伐韓趙王命諸侯討之秦遂入寇王入秦盡獻其

地歸而卒

秦伐韓取陽城負黍斬首四萬伐趙取二十餘縣

斬首九萬報王恐倍秦與諸侯約從欲伐秦秦使

將軍樛攻西周報王入秦頓首受罪盡獻其邑三

十六口三萬秦受其獻而歸報王於周是歲卒

謹按周自桓王伐鄭竟致敗績九伐之威不行矣
自報王伐秦反受秦兵一隅之地不保矣嗚呼帝

王不幸而遇厄運國勢日益衰弱與其輕動干
戈以速寇禍終不如謹守主極以聽天命也

通鑑綱目引義

卷十

主